



SULEQATIGIISITSISUT
SAMARBEJDSPARTIET

Nuuk ulloq 26. marsi - 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqufit imaattut matumuuna saqqummiuppakka:

Naalakkersuisunut apeqqufit:

1. Naalakkersuisut qanoq isumaqarpat danskit ministeriunerat oqarmat Kangerlussuaq aammatiinnarniarlugu?

2. Naalakkersuisut qanoq iliorlutik illersorsinnaavaat Kangerlussuarmi, Nuumi Ilulissanilu mittarfiit allinissaat aserfallattaalinissaallu pissutsit piulersut aallaavigalugit? Aamma aningaasarparsuarnik taarsigassarsariaqarnissaq eqqarsaatigalugu?

3. Innuttaasut kiisalu partiit qanorilillutik naatsorsuutigisinnaavaat peqataatitsisoqarumaartoq ammasumillu ingerlatsisoqarumaartoq Sakkutooqarfiup Kalaallit Nunaanni ingerlatai pillugit suleqatigiisitaliortoqarnissaa eqqarsaatigalugu soorlu tusagassiutinit oqaatigineqartoq?

4. Kangerlussuaq Sakkutooqarnerlu pillugit suleqatigiisitap suliai qaqugu naammassineqassagatinnearpat?

5. Kangerlussuup ammaannarnissaa nutaarsiassaniimmat paasinarsivoq aningaasaliissutissarpasuit taamaasillunilu nunap akiitsortinnissarujussua tunngavissaaruttoq. Kangerlussuaq iluarsaanneqartariaqartussaavoq sakkutuut tassaniittut piumasaqaataat pisariaqartitaallu piviusunngortinneqassappata, mittarfiliortiternissanullu immikkoortup suliarineranut atatillugu atortussani qaqinneqartuni tagginneqarpoq mittarfik naannerpaajussaguni 2810 meteriussasoq Kangerlussuarmi iluarsaanneqartussaavoq sakkutuut Naalakkersuisut isumaat naapertorlugu tamanna mittarfiliortiternissanut aalajangernerup allanngortinnissanut tunngaviusinnaangila aamma soorlu nunami maani mittarfiit minnerusut allinissaannut millinissaannulluunniit, soorlu 2015 Inatsisartuni aalajngiunneqartutut taamaasilluni Kangerlussuaq ingerlatiinnarlugu atlantiku qulaallugu timmisartorsuarnut mittarfittut?

Taamasillunilu nunatsinni timmisartuussinerit sipaarfigalugit aamma ingerlatseqatigiiffiit nunatsinni timmisartuussisartut nunatsinni mittarfinnik minnernik atuisartut assigiissarnissaat aqutigalugu?

(Inatsisartunut ilaasorta q Tillie Martinussen, Suleqatigiissitsisut)

Tunngavilersuut:

Silaqanngitsuliorneruvoq atlantiku qulaallugu timmisartunut pingasunik mittarfiliornissaq, ksianni tassa saqqummiunneqartut naapertorlugit taammattussaarpasippoq.

Suleqatigiissitsisuni isornarluinnaqqissaartutut isigaarput mittarfiliortiternissat akuerineqariillartullu ajorsinnaasut puttussuutillermata.



**SULEQATIGIISITSISUT
SAMARBEJDSPARTIET**

Pissutsit arlallit uangut nammineq tikkuartorpagut oqaluttarfimmiit Ukiaq Ataatsimiikkatta mittarfiliortiternerup oqaluuserinerani aamma § 37 naapertorlugu apeqqudit aqutigalugit ersarissaatitsiniarsarigaluarpuq, iluatsitsivallaaratali.

Uangutsinnut eqqumiippoq Kangerlussuummi matunissaa tunngavilersuutitut ilaavoq mittarfiliortiternerit akilersinnaanerulaalersinnaannut. Taamaattumik uangut isumarput naapertorlugu nunamut matumunnga akikinnerpaasussaavoq aalangerneq allangortinneqartuuppat.

Uangut isumarput naapertorlugu allaanngilaq pinngitsaaliilluni aalajangiititsiniarsarisoqartoq naak akilersinnaanerulaalaarnissamut aallaqqaataani tunngavilersuutigineqartut maannakut atorsinnaajunnaaraluartut.

Apeqqudit sukanerpaamik akeqquneqarput aamma kingusinnerpaamik ullut sulliviit nalignnaasut qulit qaangiutsinnagit.

Tillie Martinussen
Samarbejdspartiet - Suleqatigiissitsisut